

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Solana kontseilariak LH Dualaren garrantzia Nafarroan handituz doala eta jada 641 ikasle dituela azpimarratu du

Hezkuntzako buruak irakaskuntza modalitate horri buruzko jardunaldi batean parte hartu du gaur arratsaldean, Virgen del Camino ZIPen

Asteazkena, 2018.eko apirilak 18

Hezkuntza kontseilari María Solanak Lanbide Heziketa Dualaren garrantzia Nafarroan handituz doala azpimarratu du. Dagoeneko 11 ikastetxetako 641 ikasle ari dira modalitate horretako 17 formakuntza zikloetan eta datorren ikasturterako iragarritako hazkundeari esker (5 ziklo berri), trebakuntza dualaren eskaintza %29 haziko da.



Virgen del Camino zentroan egin den jardunaldia.

Gaur arratsaldean, Virgen del Camino Zentro Integratu Politeknikoan egindako jardunaldi batean, Hezkuntzako buruak adierazi du ikasturte honetan guztira 183 enpresa ari direla lanbide heziketarekin elkarlanean 322 ikasle trebatzen.

LH Dualak ikastetxeko eskola teorikoak eta enpresetan egiten den trebakuntza praktikoa bateratzen ditu; praktikak bigarren ikasturtean egin ohi dira.

Virgen del Camino ZIPek antolatu du jardunaldia. Bertan Alemaniako ipar-mendebaldean (Iparraldeko Renania-Westfalia) ezarrita dagoen LH ezagutzera eman da, baita zein litzatekeen bere egokitzapena Nafarroaren berezitasunetara ere.

Solana kontseilariak gain, jardunaldian parte hartu dute LH Zerbitzuko zuzendari Esther Monterrubio; BK Geldern Zentroko zuzendariorde Petra Wiesek; automobilgintza lantegien gremioko zuzendari federal Wilhelm Hülsdonkek; Nafarroako Enpresaburuen Konfederazioko lehendakari José Antonio Sarríak eta Virgen del Camino zentroko zuzendari, Dionisio Butrónek.